

WUPISANJE DŽĚŁOWEHO MĚSTNA

W Saksim statnym ministerstwje za kultus ma so we wobłuku Krajneho zarjada za šulu a kubłanje městno

zastupowaceho šulskeho nawody (m/ž/d)

na wotpowědnej Serbskej zakładnej šuli na njewobmjezowany čas wobsadzić.

Wuměnjena su:

- wučbna kwalifikacija za wučerstwo abo
- kwalifikacija wuwučowanja za dwaj předmjetaj resp.
- wotzamknjenje kwalifikacije po § 27 wotr. 2 wukaza za kwalifikaciju wučerjow abo
- fachowošulske wotzamknjenje jako wučer za delni schodžeńk z wotpowědnej wučbnej kwalifikacija za němčinu, matematiku a wólbny předmjet,
- dwulětne wuwučowanje,
- jeli předleži wučbna kwalifikacija za wuwučowanje za druhu šulsku družinu hač za zakładnu šulu dopokazujomne dwulětne wuwučowanje w předmjetomaj němčina a matematika na zakładnej šuli,
- wěšte wobknježenje serbskeje ertneje a pisomneje řeče
- mzda / zarunanje znajmjeńša po niwowje A13 / E 13 w času požadanja.

Z lěpšinu su:

- nadpřerězne kmanosće ke koncepcionelnemu dźěłu kaž tež za organizatoriske a pedagogiske nawjedowanje a wobhospodarjenje šule,
- wuwita kmanosć a zwólniwosć ke komunikaciji a kooperaciji,
- wobšěrne znajomosće na polomaj wuwiwanja šule a kwality wuwučowanja, wobdźelenje na modulach fazow 1 a 2 kwalifikacije za nawjedowace wosoby,
- dalekubłanje na polu započatkarkeje wučby jeli předleži wučbna kwalifikacija za wuwučowanje na druhej šulskej družinje hač za zakładnu šulu.

Džěłowe městno žada sej kreatiwne dźěłowe wašnje, kmanosć so přesadzić a organizować móc, wušiknosć při jednanjach, wysoku počezujomnosć a fleksibelnosć.

Při spjelnjenju trěbnych wuměnjenjow je přewzaće do zastojnstwa móžne. Wotpowědnje § 1 wotr. 2 wukaza wo starobnych hranicach móža so šulscy nawodža (m/ž/d) kaž tež zastupowacy šulscy nawodža (m/ž/d) na šulach w zjawnym nošerstwje hač k zakončenju 52. žiwjenskeho lěta do zastojnstwa powołać; tute rjadowanje zhubi dnja 1. januara 2029 swoju plaćiwosć.

Hódnoćenje městna (SächsBesO/TV-L) wopisuje kónčny staw zastojnskeho wuwica, kotryž móže so přez powyšjenje abo wyšestopnjowanje hakle docpěć, hdyž předleža wuwicoprawniske a tarifowe wuměnjena.

Za nowopostajenych zastupowacych šulskich nawodow (m/ž/d) je wobdźělenje na kwalifikaciji za nawjedowace mocy w šulach Sakskeje - zawodna kwalifikacija za zastojnstwo (faza 3) zawjazowace.

Pisomne požadanja maja so hač do wotpowědneho kónca požadanskeho časa po službnym puću na za wobsadźenje městna přisłušne stejišćo Krajneho zarjada za šulu a kubłanje zapodać.

Požadanju maja so přidać:

1. formular za požadanje (hlej pod: <http://www.schule.sachsen.de/622.htm?id=181>)
2. tabelariski žiwjenjoběh,
3. dospołne předstajenje wosobinskeho a powołanskeho wuwica,
4. wopodstatnjenja za dalekubłanja na polu wjednistwa (dalokož předleža).

Požadanja, kotrež dóńdu po kóncu požadanskeho časa, so w procesu wuzwolenja njewobkedźbujaja.

Zbrašeni a jim runjostajene požadarki a požadarjo wobkedźbujaja so při samsnej kmanosci a samsnej kwalifikaciji přenjorjadnje. Zbrašene a jim runjostajene wosoby so tuž wuraznje namołwjeja, so požadać. Požadanskim podložkam maja so wotpowědne dokłady přidać.

Prosy so wo to, zo podadža přistajeni Swobodneho kraja Sakska swoje přizwolenje k dohladej do swójskeje personalneje akty.

Prawniske informacije k škitej datow nastupajo wobchada z požadanskimi datami předleža na našej internetowej stronje pod <https://www.smk.sachsen.de/bewerberdaten>.